



Zmaja od Bosne 47b,
71000 Sarajevo,
Bosna i Hercegovina



T ++ 387 (33) 72 14 00
F ++ 387 (33) 66 88 11



E agencija@fba.ba
W www.fba.ba



BOSNA I HERCEGOVINA
FEDERACIJA BOSNE I HERCEGOVINE
AGENCIJA ZA BANKARSTVO
FEDERACIJE BOSNE I HERCEGOVINE

Broj: 05-3905-4/20
Sarajevo, 23. 10. 2020. godine

Na osnovu člana 23. stav (1) tačka d) Zakona o Agenciji za bankarstvo FBiH („Službene novine FBiH“, broj 75/17), člana 16. stav (1) tačka j) Statuta Agencije za bankarstvo Federacije BiH („Službene novine FBiH“, broj 3/18), člana 64. stav (1) tačka b), člana 70. st. (1), (3) i (6) Zakona o javnim nabavkama („Službeni glasnik BiH“, broj 39/14), člana 8. stav 2. tačka d) Pravilnika o uspostavljanju i radu Komisije za nabavke („Službeni glasnik BiH“, broj: 103/14), člana 10. stav (1) Pravilnika o postupku dodjele ugovora o uslugama iz Aneksa II. dio B Zakona („Službeni glasnik BiH“, broj 66/16), a na osnovu preporuke Komisije za nabavke iz Zapisnika o pregledu i ocjeni ponuda, broj: 05-3905-3/20 od 21. 10. 2020. godine, u postupku javne nabavke usluga sistematskog zdravstvenog pregleda radnika, direktor Agencije za bankarstvo Federacije BiH donio je

ODLUKU

o izboru najpovoljnijeg ponuđača u postupku nabavke usluga

Član 1.

Prihvata se preporuka Komisije za provođenje postupka nabavke sistematskog zdravstvenog pregleda radnika Agencije za bankarstvo FBiH (u nastavku: Komisija) iz Zapisnika o pregledu i ocjeni ponuda, broj: 05-3905-3/20 od 21.10.2020. godine, te se ugovor za javnu nabavku usluga sistematskog zdravstvenog pregleda radnika Agencije za bankarstvo Federacije Bosne I Hercegovine (u nastavku: Agencija) dodjeljuje ponuđaču PZU Poliklinika „Agram“ Sarajevo.

Član 2.

Ukupna ponudena cijena iz člana 1. ove odluke iznosi 45.990,00 KM bez uračunatog poreza na dodanu vrijednost (PDV-a). Zdravstvene usluge su oslobođene poreza na dodanu vrijednost (PDV-a), pa se cijena bez PDV-a smatra konačnom cijenom.

Član 3.

U skladu sa odredbama čl. 70. stav (6) i 71. stav (2) Zakona o javnim nabavkama, Agencija će objaviti ovu odluku na svojoj službenoj web stranici www.fba.ba, istovremeno s upućivanjem iste ponuđačima koji su sudjelovali u ovom postupku.

Član 4.

Za izvršenje ove odluke zadužuje se i ovlašćuje Sektor zajedničkih funkcija.

Član 5.

Ova odluka stupa na snagu danom donošenja.

OBRAZLOŽENJE

Odlukom o pokretanju postupka javne nabavke sistematskog zdravstvenog pregleda radnika Agencije za 2020. godinu, odobreno je provođenje postupka nabavke predmetnih usluga za potrebe Agencije. Javna nabavka je provedena u skladu s odredbama Zakona o javnim nabavkama (u nastavku: Zakon) i Pravilnika o postupku dodjele ugovora o uslugama iz Aneksa II. dio B Zakona o javnim nabavama (u nastavku: Pravilnik).

U skladu s odredbama člana 7. stav (3) Pravilnika, Agencija je pripremila i objavila Poziv za dostavu ponuda (u nastavku: Poziv) na svojoj službenoj web stranici (www.fba.ba), te isti uputio na tri adrese. Procijenjena vrijednost nabavke utvrđena je u iznosu od 49.000,00 KM, bez poreza na dodanu vrijednost (PDV-a).

U skladu s odlukom Agencije, imenovana je Komisija sa nadležnostima koje uključuju poslove otvaranja, pregleda i ocjene ponuda, te davanje preporuke za odabir najpovoljnijeg ponuđača. Slijedom navednog, Komisija je u okviru svojih ovlaštenja provela predmetni postupak nabavke, te o tome sačinila Zapisnik o pregledu i ocjeni ponuda u kojem je utvrđeno da su po predmetnom postupku nabavke evidentirane 3 (tri) pravovremeno pristigle ponude, dostavljene od strane ponuđača: PZU Poliklinika „Atrijum“ Sarajevo, PZU Poliklinika „Agram“ Sarajevo i JU Zavod za medicinu rada Kantona Sarajevo.

Na osnovu izvršene analize i ocjene pristiglih ponuda u pogledu utvrđivanja njihove prihvatljivosti u odnosu na kvalifikacijske i cjenovne uslove utvrđene u Pozivu za dostavu ponuda, Komisija je utvrdila:

- da su ponude ponuđača ZU Poliklinika „Agram“ Sarajevo i JU „Zavod za medicinu rada“ Kantona Sarajevo kvalifikovane i prihvatljive, te da su dostavljeni svi traženi dokazi propisani Pozivom za dostavu ponuda, na propisan način;
- da se ponuda ponuđača PZU Poliklinika „Atrijum“ Sarajevo d.o.o. odbacuje na osnovu člana 68. Zakona o javnim nabavkama.

Ponuda ponuđača PZU Poliklinika „Atrijum“ Sarajevo d.o.o. odbacuje se kao neprihvatljiva za Agenciju, iz razloga što u ponudi navedenog ponuđača u dijelu Poziva koji se odnosi na Prilog 2. Obrazac za cijenu ponude, ponuđač je dostavio ponudu za ukupno 130 radnika, a ne za 131-og radnika kako je definisano Obrascem za cijenu ponude, Poziva za dostavu ponuda od 25.09.2020.godine. Obzirom da navedeni ponuđač nije dostavio Obrazac za cijenu ponude u skladu sa svim zahtjevima koji su definisani, za sve stavke koje su sadržane u obrascu, njegova ponuda je odbačena.

U narednoj fazi rada, Komisija je izvršila vrednovanje ponuda primjenjujući zadani kriterij najniže cijene tehnički zadovoljavajuće ponude, te u skladu s tim izvršila rangiranje ponuda kako je prikazano u sljedećoj tabeli:

| Redni broj | Ponuđači | Ukupna cijena |
|------------|--|---------------|
| 1. | PZU Poliklinika Agram Sarajevo | 45.990,00 |
| 2. | JU Zavod za medicinu rada Kantona Sarajevo | 46.195,00 |

Na osnovu svega navedenog, primjenjujući zadani kriterij najniže cijene tehnički zadovoljavajuće ponude, u skladu s čl. 64. stav (1) tačka b) i 70. st. (1), (3) i (6) Zakona o javnim nabavkama, članom 8.



stav (2) tačka d) Pravilnika o uspostavljanju i radu komisije za nabavke, Komisija je jednoglasno predložila da se ugovor za javnu nabavku usluga dodijeli ponudaču PZU Poliklinika „Agram“ Sarajevo.

Slijedom navedenog, odlučeno je kao u dispozitivu.

POUKA O PRAVNOM LIJEKU:

Protiv ove odluke može se izjaviti žalba Agenciji za bankarstvo Federacije Bosne i Hercegovine kao Ugovornom organu, u skladu s odredbama čl. 99. i 101. Zakona o javnim nabavkama .

Žalba se podnosi u pisanom obliku — u tri primjerka, u roku od 10 (deset) dana od dana obavijesti Dobrovoljnog ex-ante obavještenja o transparentnosti na Portalu javnih nabavki.


DIREKTOR
Jasmin Mahmuzić

Dostaviti:

- svim učesnicima u postupku
- a.a.

